




ISLAMSKA ZAJEDNICA BOŠNJAKA  
GÖTEBORG

# Bilten 2020






Godina 2020 je započela sa zanimljivim aktivnostima.



Početkom januara, tj. 4. januara, imali smo predavanje sa gostom hafiz ef. Jusuf Džafić iz Tuzle. Hafiz je bio gost džemata u periodu oko novo godine kad smo imali niz aktivnosti u periodu od 25 decembra 2019.

Također u januaru, 21. januara, ugostili smo grupu djece sa učiteljima iz Srebrenice. To večer smo imali zanimljivu prezentaciju knjige koju su napisali ti učenici. Džemat je uz pomoć džemalija učestvovao u finansiranju dolaska i organizaciji dočeka grupe. Džemat je uz pomoć džemalija obezbijedio sredstva za finansiranje i druge knjige koja je bila u pripremi.



Džemat je učestvovao u organizaciji obilježavanja dana nezavisnosti Bosne i Hercegovine zajedno sa drugim BH-organizacima u Göteborg-u. To je bila jedna od zadnjih manifestacija koje su održane uz prisustvo publike.



## Utjecaj pandemije na aktivnsoti u džematu

Godina 2020 je obilježena pojavom virusa korona (COVID-19) čije se širenje pretvorilo u pandemiju.

Pademija je poremetila sve dosadašnje norme življenja i ponašanja širom zemaljske kugle. Pandemija je uticala na relacije kako sa onim najbližim tako sa cijelim društvom i naravno na relaciju prema našoj Zajednici, tj. džematu.

Pandemija stavlja naše relacije na iskušenja i ispit, iskušava naš sabur, naše strpljenje. Ova pandemija kao i sve drugo je nastala Allahovom voljom i tako će Allahovom voljom i nestati. Zašto je ovo iskušenje poslano čovječanstvu najbolje zna Allah dž.š., a kod Allaha dž.š ništa nije slučajno.



Pandemija je poremetila naše uobičajene i planirane aktivnosti. Mi smo bili prinuđeni da ograničimo aktivnosti u našem lokaluu a zatim da ih u potpunosti obustavimo zbog restrikcija koje su uvedene sa namjerom sprečavanja širenja virusa. U vremenu kad su se mogle obavljati aktivnsoti u lokaluu uz ograničenja nastojali smo obezbejditi uslove koje su nalagale restrikcije, da su pristupačna sredstva za dezinfekciju ruku te da ima salveta za sedždu i da se poštuje neophodan razmak. Normalno „popunite saff“ je postalo „razmakni saff“.

Na taj način smo mi nastojali da damo naš doprinos kao Zajednica cjelokupnoj društvenoj zajednici u borbi sa ovim iskušenjem.

Ograničavnaje aktivnosti u lokaluu u dužem periodu i neizvjesnost dokle će ova situacija trajati stavlja pred nas zadatak riješavanja pitanja naših uposlenih i troškova džemata.

U periodu totalnog ograničavanja aktivnosti, od novembra mjeseca, postoji mogućnost da se putem telefona kontaktira imam i po potrebi zakaže posjeta u lokaluu.

Izvršni odbor je također uz saradnju sa imamom iskoristio mogućnost permitiranja nekoliko mjeseci u toku ljeta kao jedan doprinos smanjenja troškova. Također su u planu slični angažmani čim se za to stvore uslovi.

U ovoj godini 2020 je nekoliko naših uvaženih članova i vakifa preselilo na Ahiret. Molimo Uzvišenog Allaha da im se smiluje, oprosti grijeha i podari im Džennet.




## Aktivnosti, komunikacija i informisanje u vrijeme pandemije



Posljedice pandemije su se odrazile na naše uobičajene ramazanske aktivnosti. Zbog toga su izostali nasi iftari. Teravih namaz nije obavljan do pred kraj ramazana, zadnjih deset večeri uz ograničenje. Dnevne namaze smo imali a ne i džume namaze u toku ramazana.

Izvršni odbor je pokušao iznaći način da se aktivnosti nastave u nekom mogućem obliku. Nastojali smo da imamo komunikaciju sa našim članovima i pružimo jedan vid aktivnosti. Dostavljali smo informacije putem naših kanala: facebook i internet stranice, [www.izgbg.se](http://www.izgbg.se), a uveli smo i cirkularni mail.



### Mektebska nastava

Izvođenje mektebske nastave smo organizovali putem interneta, preko aplikacije Zoom. Imam i naši volontirajući vjeroučitelji su nastavili sa mektepskom nastavom. Ovo je novo iskustvo za sve nas, svaka prepreka podstiče na razmišljanja i iznalaženje alternativnih rješenja.

Ovom prilikom se zahvaljujemo roditeljima koji su se angažovali da njihova djeca prisustvuju nastavi i često zajedno sa svojom djecom bivali prisutni na online nastavi.



I pored pandemije nisu izostale ni aktivnosti sa BKC, Bosanski Kulturni Centar, organizacija koja je uvezala 5 džemata u zapadnoj Švedskoj (Västra Götaland region).

BKC je u nemogućnosti fizičkih susreta također svoje aktivnosti organizovao online.

Ovom prilikom se želimo zahvaliti djeci i roditeljima koja su učestvovali na online susretima i takmičenjima koja je organizirao Bošnjački kulturni centar u više navrata u toku godine.



Džemat je u saradnji sa omladinskom organizacijom, Bmuf, radio na okupljanju omladine i osmišljavanju sadržaja priliko njihovih druženja.

Izvršni odbor je također učestvovao u organizaciji obilježavanja dana državnosti Bosne i Hercegovine sa drugim BH-organizacijama.

Čast nam je pozvati Vas na svečano obilježavanje



Info Sabaheta Vehabović 070-298 71 41  
Organizator NBV Vist u saradnji i bosansko-hercegovačkim udruženjima iz Göteborga





U toku jeseni i zime 2020 organizovali smo tri predavanja sa predavačima iz Bosne i Hercegovine, te jedno predavanje sa imamom iz džemata Borås.

## “Neka te kiasi lijep ahlak”

Dobro došli u prostorije džemata na [online](#) predavanje i druženje.



Gost i predavač:  
hfz Ammar ef. Bašić

23. Oktobra 2020  
Jacija namaz se klanja u 19.30  
Program počinje u 20.00



U oktobru mjesecu, 23. oktobra, imali smo mogućnost pratiti predavanje hafiza Ammara ef-Bašića putem Facebook stranice.

Hafiza Kenana ef-Musća imali smo prilike slušati 20. novembra.

## “Neka te kiasi lijep ahlak”

Bujrum na [online](#) predavanje i druženje putem Facebook Live.



Gost i predavač:  
hfz. Kenan ef. Musić

20. Novembra 2020  
Program počinje u 19.30



Imam džemata Borås je održao predavanje 11 decembra putem elektronskih medija.

Sa hafizom Amirom ef. Mahićem smo se družili 25 decembra.

## “Neka te kiasi lijep ahlak”

Online predavanje i druženje

Elvedin-ef. Bešlija  
imam džemata Borås

11. decembar 2020. god.  
19.30h





## Radovi u lokaluu

Radovi u lokaluu koji su neophodni za dobijanje upotrebe dozvole teku prema planu. Izmjenjena i prilagođena su ulazna vrata, vrata na podrumskom ulazu i vrata na ženskom ulazu. Jedna grupa džematlija je dala svoj doprinos u tim radovima.




Završena je instalacija protivpožarnog sistema. Izmjenjeni su rukohvati na ulaznim stepenicama koje je donirao jedan džematlija. Instaliran je lift za invalide u čijem finansiranju je učestvoao jedan džematlija sa 50 000 kr. I dosta drugih manjih i većih zahvata je urađeno od strane pojedinih džematlija.

Zaista naše džematlije na razičite načine daju svoj doprinos na unapređenju svog džemata. Molimo Uzvišenog Allaha da se smiluje vakifima ovog džemata.

Od neophodnih radova još imamo instaliranje ventilacije u mesdžidu te izmjenu nekoliko unutašnjih vrata i manjih radova u invalidskom toaletu.

## Ostale aktivnosti



Izvršni odbor je dao svoj doprinos u radu novofromirane inicijative za saradnju između muslimanskih organizacija, džemata, u Göteborg. Inicijativni naziv grupe je „Muslimska samverkansgrupp i Göteborg“. Grupa ima za cilj da štiti interes muslimana u Göteborg-u.



### Dalje.

Zbog pandemije nije bio moguće organizovati planiranu vanrednu skupštinu po pitanju statuta. Izvršni odbor je također zaključio da se redovna skupština krajem februara neće moći održati po planu. Termin za održavanje skupštine ćemo oglasiti onda kad se steknu uslovi za okupljanje u većem broju, preko 100 osoba. Izvršni odbor će nastaviti rad do daljnog u ovom sastavu uz Allahovu pomoć. Budžet će se prilagoditi okolnostima. Nastavit ćemo sa radovima koji su planirani i budžetirani u 2020 godini a tiču se upotreбne dozvole. Ti radovi su planirani za 2020 godinu međutim zbog visoke cijene dosadašnjih ponuda nisu urađeni (ventilacija). Na pomolu su rješenja u skorijem roku uz Allahovu pomoć. Također se planiraju rješenja za smanjenja troškova za uposlene.

U ovom mandatu su vama bili na usluzi:

Fuad Ef-Čolić, Sakib Kenjar, Edina Bećirović, Amar Hadžić, Azra Kenjar, Naser Ibrahimović, Džana Arnautalić, Ahmed Kapetanović, Nazifa Dizdar, Adi Berilo te predstavnici omladine koji su se mijenjali u toku godine (Emina Dedić, Sara Bajramović i Kerim Kapetanović).

Izvršni odbor

